

Broj: 01-33-364/25

Datum: 05.03.2025. godine

U skladu sa članom 30. Zakona o sistemu poboljšanja kvaliteta, sigurnosti i o akreditaciji u zdravstvu ("Službene novine Federacije BiH" broj 59/05, 52/11 i 6/17), člana 25. tč.4 i 55. Statuta Agencije za kvalitet i akreditaciju u zdravstvu u Federaciji BiH ("Službene novine Federacije BiH" broj 94/07 i 31/16) a u vezi s potrebom ažuriranja Registra ovlaštenih ocjenjivača kvaliteta, v.d. direktora donosi

ODLUKU

o načinu i postupku kreiranja liste za ažuriranje Registra ovlaštenih ocjenjivača kvaliteta

Član 1.

(Predmet odluke)

Ovom odlukom uređuje se način i postupak kreiranja liste kandidata za ažuriranje Registra ovlaštenih ocjenjivača kvaliteta (u daljem tekstu: Registar), kriteriji za uvrštavanje na listu, nadležnosti i rokovi u postupku ažuriranja Registra.

Član 2.

(Lista za ažuriranje Registra)

(1) Lista kandidata za ažuriranje Registra formira se na osnovu:

- zahtjeva zainteresovanih lica,
- potvrde o obavljenoj edukaciji,
- preporuka stručnih tijela,
- evaluacije dosadašnjih ovlaštenih ocjenjivača,
- ispunjenih ostalih uslova za ovlaštene ocjenjivače.

(2) Lista se ažurira najmanje jednom godišnje, a po potrebi i češće, u zavisnosti od broja prijavljenih kandidata i potreba Agencije.

Član 3.

(Postupak kreiranja liste)

- (1) Agencija javno objavljuje poziv za prijavu kandidata koji se već nalaze na Popisu ovlaštenih ocjenjivača, s jasno definisanim uslovima i rokovima.
- (2) Pristigle prijave razmatra komisija koju odlukom formira direktor.
- (3) Lista predloženih kandidata dostavlja se direktoru Agencije, koji donosi odluku o konačnoj listi za ažuriranje Registra koji usvaja Upravni odbor Agencije.
- (4) Kandidati koji budu uvršteni na listu imaju obavezu dokazivanja obavljenog pohađanja edukacijskog programa, odnosno odgovarajućeg ažuriranja statusa vanjskog ocjenjivača prije formalnog uvrštavanja u Registar.

Član 4.

(Rokovi i objava liste)

- (1) Javni poziv se objavljuje putem web stranice 06.03.2025.godine
- (2) Prijave za listu za ažuriranje Registra primaju se do 27.03.2025. godine.

(2) Ažuriran registar ovlaštenih ocjenjivača biće objavljena na zvaničnoj web-stranici Agencije i stavljena na uvid svim kandidatima koji su podnijeli prijavu.

Član 5.
(Pouka o pravnom lijeku)

Protiv odluke o konačnoj listi kandidata nije dopuštena žalba, ali nezadovoljni kandidati mogu podnijeti prigovor v.d. direktoru Agencije u roku od 7 dana od dana objave liste. O prigovoru direktor odlučuje u roku od 7 dana od dana prijema prigovora.

Član 6.
(Završne odredbe)

Ova odluka stupa na snagu danom donošenja i primjenjuje se od dana objave na oglasnoj ploči.

V.D. direktor

m.p

Dr.sci.med. Mahir Fidahić dr.med.spec

Dostavljeno:

-Oglasna ploča

-Sektor za poslove standardizacije, vanjske obuke i edukacije

-A/a